

محمد امين رسول زاده نين 1951 نجى ايلده كى آمريك سسى ايله دانيشيغى

من محمد امين رسول زاده آمريكانين سسى رادىوسوندان دانيشيرام . حسرتينى چكديگيميز عزيز وطنه خىتاب انده بيلمك فرصتينى وئردىگى اوچون بونا متشكرم . بو راديو بيرلشيك آمريكا دؤولت لرئين پارلاق تاريخينى يارادان دموكراتيك فيكىرلرئنى يايير . بو فيكىرلر باشليجا ايكى اساسا دايانير : انسانلارا آزادلىق ، ميللنلره ايستيفلال !

بوندان 33 ايل اول ، بيرنجى دونيا حربئين سونوندا چارلىق رژىمى چؤكدو ، وطنيميزى استيلا و استبدادى آلتيندا توتان روسيه امپراطورلوقو داغىلدى . آذربايجانلار ابللردن برى گؤزلديكلرى فرصتى اله كئچيردیلر : ميللى مستقل بير جمهوريت قوردولار.

رئيسى اولماق شرفى ايله فخر ائنديگيم ميللى آذربايجان شوراسينين بو مناسبت له نشر ائنديگى تاريخى بياننامه ده اؤ جمله بو ماده لر واردير:

1- آذربايجان خالقى حاكميت حاققينا مالك ، آذربايجان دا تام حقوق لا مستقل بير دؤولت دير.

2- آذربايجان دؤولتئين ايدار شكلى خالق جمهوريتيدير.

3- آذربايجان خالق جمهوريتى بوتون ميللنلره و بالاخص جوارداكى قونشو ميللت و دؤولت لرله ياخشى مناسبت لر قورماغا عظم ائدر.

4- آذربايجان خالق جمهوريتى ميللت ، مذهب ، صنف ، مسلك و جنس فرقى كؤزلمدن حدودلارى ايچينده ياشايان بوتون وطنداشلارينا سياسى و مدنى حاققلار تامين ائدر.

دموكراتيينين بو يوكسك اساسلارنى حياتا كئچيرمك اوچون قورولان ميللى حؤكومت ايكى ايل ياشادى . تاريخيميزين ان شانلى دؤورونو تشكيل ائدن بو قيسا مدت ده ، حريدن و هرج – مرجدن چيخان يوردوموزدا امنيت و آسايش برپا ائديلى . لازم اولان ضابطه و عدالت مؤسسسه لرى قورولدو . سوسيال رفورملار گيريشيلى . ميللى معارفه اميت وئريلى . مدنيت دونياسى ايله تماس گليندى . قونشولارلا ياخشى مناسبت لر تاسيس اولوندو . نتيجه ده بؤيوك اروپا دؤولت لرى و آمريكا طرفيندن جمهوريتيميزيت ايستيفلالى تانيندى . لنين و استالين امضالارى ايله مسلمان ميللت لرئنه سؤزده حریت و ايستيفلال وعد ائدن بلشويك لر ايشده تورک و مسلمان دونياسيندا قورولان ايلك جمهوريتى قيزيل اوردونون ائستون قوتلرى ايله زورلاديلار . خالقيميز تجاوزه قارشى وار قوه سيله ساواشدى ، فقط ، هيهات مغلوب اولدو . نتيجه ده ميللى اوردونو داغيتديلار ، ميللى منورلرى كسدیلر ، ميللى ثروتى ياغما اثرک مسكوبا گؤتوردولر . بير سؤزله مملكنى سووتلشتيردیلر.

تاريخين ان قدار ايستيدادينى قوران بلشويك لر سووت رژيمينه اوتانمادان دموكراتيا دئيرلر . سووتلرله حقيقى دموكراتيا آراسيندا يئردن گؤيه قدر فرق واردير ، وطنداشلار!

مدنی دنیاداکای گرجک دموکراتیبالاردا اینسان آزاد بیر وطنداشیدیر . هر وطنداش دوشوندویونو قورخامدان سؤیلر ، یازار و بونلاری بیتریمک اوچون جمعیت لر قورار . عجبا ن ک و د قورخوسو اولمادان دوشونجه لرینیزی آچماق جسارتینی گؤستره بیلیرمیسینیز؟... اصلا ! کؤیلولر توریاغا ، ایشچیلر فابریکا زنجیرلنمیش ، حرکت و صفر حاققیندان محروم کؤله لر حالیندا دیر . بیر قادیرلرین امرلری التیندا جانینیز چیخانجان چالیشدیغینیز حالدا قارنینیز دویمور یاری آج و یاری چیلپاق سفیل بیر حیات یاشاییرسینیز . زراعت و اکونومییا سیستمی مملکتین دئییل مستملکچی مسکوکو آغالارینین منفعت لرینه گؤره آیارلانیر . مقدراتینیز اولنارین کیفینه و کاپریزلرینه باغلیدیر . ان بؤوک اداره لر بالاخص مملکتین آنا گلیر قایناغی اولان نفت ادلره سی (آذ نفت) مسکوکوانین الینده دیر . جمهوریتین پایتختی باکی دؤولت ایچینده بیر دؤولت دیر . باکسوتین بودجه سی مسکوکووا تصدیق اولونور . آذربایجان حکومتینین باکی یا تعلق ائدن قرارلاری اوزه رینده اونون وتو حاقی واردیر . آذربایجان اکونومیسسی خالص بیر مستملکه اکونومیسیدیر .

اکونومی باخیمیندان روسیایا تابع اولان آذربایجان ، سیاست جه داخلی مسکوکوانین کؤله سیدیر . سؤزده مستقیل سوئت آذربایجانین اداره سی ایشده تامامی ایله روس لارین الینده دیر . آذربایجان گویا اداره ائدن آذربایجان کومونیست پارتیاسینین حقیقتده روسیا کومونیست پارتیاسینین ولایت شعبه سیندن باشقا بیر شی دئییل دیر . عمومی کاتب لرینیز اکثریت له مسکوکوان تعیین اولونورلار . آذربایجان کومونیست پارتیاسینین تاریخی میلی اینتیجیلردن تمیزلنمین تاریخیدیر . ایل یوخدور کی ، پارتیا سیرالاری میلیت چیلیه میل ائدن آغینلاردان ، ناسیونال – بورژوالاردان و یابانچی آژانلاردان تمیزلنمسین . آذربایجان مسکوکو حسابنا سوئتلشدیرمده بو قدر خدمت و یارارلیقلاری کئچن یئرلی مشهور کومونیست لر بئله کمونیزمین آمانسیز دوشمنی میلیتچی – مساوات چیلارا قاپلمیشلار بهانه سی ایله تمیزلنمدیلر می ؟

سوئت لرین آذربایجان دا کی اجراآت تصور اولونا بیلمز . کولکتیو زراعت پلانلارینی بالتالاماقلا تهمتلندیریلن کؤیلولرین اوغرادیققلاری قانلی و آمانسیز تقیین فاجعه لی داستانی مشهوردور . بو فاجعه هله داوام ائتمکده دیر . بوندان باشقلا میلیتچیلیک ، سوئت علیه دارلیغی و باشقا نوع دان تهمت لر اوزه رینده یاپیلان حبس لر ، سورگونلر و اعدام لارین سایسی حسابی یوخدور . بو باخیمدان یشچیلرین حالی کؤیلولردن گئری قالمادیغی کیمی منورلرین حالیدا اونون کیمیدیر .

بوتون بو حاللاردا برابر باری آذربایجان کولتور حیاتینا ال دئییلمه سه ، بو ساحه ده اولسون ایستیقلاالینه آزابجیق دا اولسا حرمت گؤسترلیسیدی . هیهات اکونومیسسی ایله سیاستی آزاد اولمایان بیر مملکتین کولتورونو راحت بوراخیرلارمی هئچ ؟ سوئت ایستیلاسینین قهراندیجی اجرالار اصل بو ساحه ده دی . میلی کولتوروموز تاریخی آنا کؤک لریندن ، تورکلوک و مسلمانایق جامعده سیندن تمامی ایله فایدیرلیمیش(قصدن یولدان چیخاریلما) ، کمونیزمین ایدئولوژیاسینا اویدورولموشدور " لنین میلی سیاستینه " گؤره کولتورون ایچی کومونیست ، دیشی میلی اولاجاقدی . آذربایجاندا بو فرمولدل دئییشدی . یلزمیز روس حرفلر ایله یازدیلمایا باشلادی . اصطلاحلاردا روسلاشدیریلدی . تاریخ آنلایش بلشویک پارتیاسینین تاریخینین دار چرچیه سی ایچینه آلیندی . میلی عنعنه لر ، میلی بایراملار منع ائدیلدی . آرتیق هر شی ده ایچده ده ، دیشده دا ، معنادا دا ، لفظ ده روس کمونیزمی بیر نمونه اولدو . ایندی روس میلیتینه یوماق ، اونا ستایش ائتمک بلشویزمین دینی فرضلریندیر . چارلیق روسیاسیندا اولدوغو کیمی ، بلشویک

روسیاسیندا روسلاشدرما دئییشمه یں بیر سیاست دیر . میلی کولتور قوتلریمیز آمانسیر سرعت ده محو اندیلیر ، ان بؤیوک شاعرلریمیز ، ان بؤیوک محررلریمیز ، ان مشهور و سئویملی جماعت آداملاریمیزین آدلاری آرتیق سؤیلنمز اولدو . هامیسی یا سورولدو یا اؤلدورولدو . یگانه قباح لری میلی کولتورونه باغلی قالماقدی . مستقل بیر میللتین آزاد اوغلو قالماق جسارتینی گؤسترتمک ایندی اولومله جزالاندیریلان آغیر بیر گناه دیر.

بوتون بو تجاوزلرین یانیندا میللتین دینی مقدراتینا یاپیلان تجاوزلری ده اونوتمامالییق .مسجدلرین انبار و سامانلیق حالینا گتیریلدیگی ایله حاکمی دین آداملارینین معنوی شکنجه لره توتولدوقلاری معلوموموزدور . حال بو کی مدنیت دونیاسی بئله بیر تجاوزه تحمل ائتمز. بو دونیادا اینسان ایله الله این آراسینداکی مناسیته مداخله ائتمک کیمسه نین حدی دئییل دیر . وجدان حریتی اینسانین الیندن آینماپاجاق مقدس بیر حاقدیر.

عزیز وطنداش لار بیلیریم کی آرانیزدا آزاد یاشایان ، نه فیکیر ، نه صنعت ، نه سیاست نه ده دین آدامی یوخدور . بونلار یا شهادت جامینی ایچمیش ، یا دا نتیجه سی اولومله بیته جک سوئت سورگون دوشرگلرینده تحما اندیلمز شرط لر ایچینده سون گون لرینی یاشاییرلار.

عزیز آذربایجانلیلار ! بوتون دونیادان علاقه نیز کسيلمیش و تک نلمیشسینیز . چئورنیزده سیزی دیش عالمدن آیران دمیر بیر پرده واردیر. باشینیز مین بیر بلا و فلاکتلر ایچینده دیر . بو بلالی و فلاکتلی یاشاییشی ، بلشویک پروپاقانداچیلاری سیزه ایدنال بیر حیات کیمی قلمه وئریرلر . سوئت لر خارچینده قالان دونیاداکی حیاتی فلاکتدن و سفالتدن عبارت بیر حیات کیمی تصویر ائدیرلر .اینانمایین قارداشلار ! دونیادا آسوده یاشایان ، قورخو بیلمه یں آزاد انسانلار ، آزاد میللتلر و مستقل دؤولت لر واردیر . بو میللتلرین یاشادقلاری مملکتلرده انسانین نه فیکیرنه ، نه مجدانی نه ده ایمانینا تسلطائن یوخدور . آزاد انسانلارین بیرلیگیندن عبارت اولان مستقل میللتلر اؤز اؤز لرینی عبارت ائدیرلر . مسعوددورلار . آزاددیرلار.

دموکراسی اداره سی هر جوره قورخودان و زورلامادان آزاد بیر اداره سیستمیدیر . بوتون بو دنیا بو بو سیستمه تابع اولمادیقجا ، انسانلیق راحت لیق اوزو گؤرمیجکدیر . بلشویزمین فاشیزمیدن گئری قالمایان ، دموکراتیکلییی دانان قدر و ظالم رژیم باقی قالدیقجا ، نه اینسانلارا آزادلیق ، نه ده میللتلره ایستقلال نصیب اولمایاجاقدیر.

آزادلیق و میلی ایستقلال پرنسیپلرینی بوندان ۱۷۵ ایل اول آمریکا ، ۳۳ اول ده آذربایجان حریت بیاننامه سی اعلان ائتمیشدیر . بوتون دونیانین سعادت کیمه ، آذربایجانین خلاصی دا بو اساسلارین تمامی ایله گئرچکلشمسینه باغلیدیر.

تکرار ائدیرم انسانلارا آزادلیق ، میللتلره ایستقلال.

<http://babek-inam.blogfa.com>